



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

DLXIX. Erneutes Statut des Raths zu Stendal für die dortige Compagnie
der Kaufleute, vom 22. Februar 1519.

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

DLXVIII. Haus von Runtorf verkauft Gebungen aus Runtorf und Sanne an Heinrich Elling zu Stendal wiederkäuflich, am 21. October 1518.

Ick Hans van Runtorpe, waneſſlich to Ronebeke, Bekenne —, dat ick — vorkope, in craft duſſes briues, eyne marck pennyng Stendelſcher weringe vnde achtehaluen ſchepel kornes, rogge vnde gerſte jarlyke rente deme Erfamen Hinrick ellinge, borger to Stendal, Ilſen, ſyner eelyken huſſfrowen, vnde deme hebber duſſes briues myt oren guden wyllen jm dorpe Runtorpe, auer hans meyneke hoff ſes ſchillinge vnde vyr penninge, auer Ebel ſmedes hoff teyn ſchillinge, auer arndt valken hoff teyn ſchillinge vnd VIII penninge vnde achte haluen ſchepel kornes, half rogge vnde half gerſte. Im dorpe Sanne auer drewes borſtels hoff ſes ſchillinge vnde auer Peter betkens hoff ſes ſchillinge. Deſſe vorſcreuen tyne vnde iarlyke renthe ſcholen vthgeuen dy vorbenomede menne vnde alle ore nakamelinge, dy ſik der haue, houen, acker, wyſche ichtefwes gebuken, alle iar vp martini deme Hinrick ellinge, Ilſen, ſyner eeliken huſſfrowen, deme hebber duſſes briues in dy Stad Stendal vnuortogerdt bringen vnd betalen, funder Inſage ofte hulperede, vnde ofte dy betalinge alle iar ſo tor nüge nycht enſchege, ſzo ſchal de vorbenomede Hinrick ellingk vnde ſyne medebenompten vulmacht hebben dar vmme tho pandende, funder rechtes forderinge, Edder manen myt geſtylyken eſte werlyken rechte, wo em dat alder boquemſt ſy, war var my de genante hinrick ellingk wol to dancke vornüget vnde rede betalet heſt Ses vnde twyntich marck Stendelſcher were etc., vnde ick Claws van Runtorpe, waneſſlich to vleſſow, laue ok vor vnde myt mynem broder alle ſtücke duſſes briues myt ſamp-ter handt vor my vnde myne eruen ſtede vaſte to holdende. Des to groter orkunde vnd wyſenheyte hebbe wy hans vnd Claws, gebroder, genant van Runtorpe, eyn Illick ſyn eygen Ingeſegell wylick vnde wytlick laten hangen nedden an duſſen breff, de ghegeuen vnde geſcreuen is Na criſti vnſes lyuen heren gebordt Duſent vyffhunderdt jn deme achteynden iar, am daghe der elfduſent ianckfrowen.

Nach dem Original im Pfarrarchive der Peterskirche zu Stendal.

DLXIX. Erneueres Statut des Raths zu Stendal für die dortige Compagnie der Kaufleute, vom 22. Februar 1519.

In deme namen der hilligen vnd vngedeyleden dryuoldicheyt Amen. Wenthe alle geſcheſte vnd handelinghe der mynſchen, di dar geſchen in der tyd, entſtehen myt der tyd vnde vorfallen vth dangken der mynſchen, Ed ſy denn, dat de myt tungen der tuge edder orkunde der ſchrift beſtegit edder vorewiget werden; hir vm dohn wy Burgermeiſtere vnd Rathmann der Stat Stendell kunt allen luden, den gegenwardigen vnd tokumſtigen, vnd Bokennen ok opinbar botuginde, in vnd myt duſſem vnſem openbriue. Nachdem denn vnſe vorſahrn vorgangner jare, als nomelicken do men ſchreff na vnſes hern geborth duſent virhundert vnd im viſfvndachtentigſten jare, am ſfridage na Judica, dho Rathman werrn hans biſſmarke, hinrick clottzen, Merten

apteker, Claus kolck, hans kratz, hans swechten, heyne valke, Claus irechou, hoigher moringh, herme eymbeke, Claus krempkow vnd hans grunttemeker, slich angemerket, bowegen vnd angefehn hebben, so sicken vnse leuen burgere de kopmanne, kopmanschaft vnd guder handelinge dreplicken thonemhen vnd do de des godt gelauet, dar aue oueden, daruth denne vnser Stad vnd deme gemeynen gude daron gedige vnd wasdom kommen mochte, nach rade vnd fulborde der Guldemeistere vnd wifesten burgere, denselbighenn kopmann eyne ewige gefelschop myt eyner dringkstauen, gelick etligen andern erlicken vnd wolgeschickeden Steden, myt etligen Articulen, gerechticheiden vnd ordinacien toholden, geueu vnd hostediget, welkore ok eyn dell darna im virthundersten vnd dry vnd negentighen Jaren am fridage kyliani, dho Rathman weren hinrick clottzen, werner moringh, hinrick pakebusch, werner kalue, hoiger moringh, hans kratz, herme Schulte, hinrick, Paull wulstermarke, Claus bismarke, Gregorius goltbeke vnd Claus kroger, dewilhe dann noch dar vnder vele schicklige gebreke, dar vnfal vnd vngerade von komen mochte, befundenn, Synt wy itzt darvmm mercklich bowegen wordenn vnd hebben wontliges ratlages gnanten vnser burgern den kopmanne, de nu synt vnd tokommen werden, upt nige deselbtige gefelschopp myth voranderinge, ok vorkoringe vnd vorlengingen etwelker Artickell des briffs Confirmiret vnd hostediget, Confirmirenn vnd hostedigen en de ok jegenwardigenn in crafft dusses briffs. Tom Irstenn, dat eyner, de der koplude kumpanye hir tho Stendell vor duffer nigen fetingen nicht gehat hefft, bogeret de duffer broderschop, de mach sie wynnen myth dry vnd druttich schillingen Stendelsch vnd Sofs penninge orenn Kechte. We ok nu forthmer in der broderschop geboren wert, de mach duffe broderschop wynnen vmme eynen haluen gulden vnd men schall den jenne, de sie wynnen wyll, he sy von buthen edder bynnen, de schollen sie soken thor Irsten morgen spraken vnd schollen sie togern went to der andern hegeden spraken. Wan he denn dar vmme Biddet, so schollen sie en vnuortogert vnemhen vnd entfanghenn, so ferne he eyn burger hir tho Stendell vnd gilden werdich sy vnd denn deme Rade vnd den Schaffern duffer kumpanyen euen vnd boqweme sy. Doch vor schollen de Schaffere by deme Rade frage hebben, vff desuluen dem Rade boqweme syn; js edder synt denn de jennen so geschickt vnd dem Rade boqwem, so schall men en de kumpanye geuen thor andern sprake vnd de dry vnd druttich schillinge schall men boreyt, als men vmme de broderschop spreket, vthgeuen vnd dat sulue gelt schal orer broderschop de helfte vnd de ander helfte der Stat tho komen. Ouer de kyndere, de benedden Jaren synt, des vader de kumpanie wyynet, mogen ok de kumpanye wynnen vmme eynen haluen Rynschen gulden, dat gelt schall de kumpanye alleyne behalden. Vnd nyman schall sicken der dringkstauen gebreken, dan alleyne de ore broderschop gewonnen hebben vnd dar inn gekommen synt, wo obsteit: vnd vp dat desulue ore broderschop vnd kumpanye destebath eyne bestant hebben vnd orer eyn myt den andern orer saken vnd kopmanschop eyne syn vnd handelen mogen, gunnen vnd vorlonen wy vnd begnaden sie darmede, dat sie in orem dringkstauen dat byr, dat sie an thunen, vathen vnd ferndelen kopen vnd nach gefette vnser Stat daruor geuen, vnder sicken drincken, schencken, boreken vnd botalenn mogen, Sundern andern luden, de duffe broderschop nicht en hebben, folk bir to schenken vnd ok buthen der dringkstauen dat thodonde schall en gentzlicken vorbaden syn, by vorlust vnd nedderlegginge duffer broderschop, vthgnomen, vff ymant von den, de duffe broderschop hedde, Rede vth den Steden myt oren gefinde edder ore burger, de sie mytbrachten, edder andere wandernde koplude eyne edder mehr buthen bosethenn medebrochte, de jenne mogen ore gedruncken byr ok suluest woll

botalen vnd vor sick vpleggen, so vaken dat in achte dagen geschut vnd sie myt en in den achte
 dagen tor gefelschop ghan: wolden sie ouer lengh edder mehr mede tor kumpanyen ghan, moth de
 jenne, von deme sie synt worden genodet vnd in dat kumpanyen hufs ghebracht, vor sie henfor-
 bath gelden vnd dat byr vor sie betalen. Des daghes schall men eyne edder twyr boreken so
 thouorstande, vff ymant vor der auentmalyd druncke vnd na der auentmalyd wedder qweme, de
 mach denn dat irste myt deme latzten woll tofampne gelden: we ouer nicht wedderkomen wolde,
 de schall forth, als he ghan wyll, botalen. Ok schall men vp dat kumpanyenhufs, wen de klogke
 theyne geflagen hefft, vp den auendt neyn byr mehr tappen edder den knecht dat totappende dar
 vmme benodigen, by pene theyn schillinge. Ok nicht vth deme Statkelre edder anderswa ge-
 drencke na der tyd dar henup todrinkende halen lathen, Edder suft na theyn flegen up der kum-
 panyen lenger tho sitten by derfuluen pene: wen vp de selbte tyd, schall dat hufs in der mathen
 togefllathen syn, eynem yowelken tobrekende sunder gnade, der Stadt vnd kumpanye gelyke tho
 deylenn, Sunders vp walburgis, Johannis tho lichten, Pantbaleonis vnd Sunte Mertens auende, ok
 in den lutken vastelauent vnd suft, wen sy myt oren huffrouwen tofampne synt, so erlouen wy
 tofittende went tho elf flegenn vngeuerlich vnd nicht lenger. Wolden ok eyn, twe, dry edder
 mehr, to duffer broderfchop gehorende, by sick sunderigen ouer eyne taffell sitten ghan vnd sick
 alleyne tappen lathen, drinken, boreken vnd botalenn vnd wan sie willen nach orer boqwemichheit
 enwech ghan, moghen sie woll dohnn, we dar wedder spreke vnd dar vnfuglige dedinge edder
 schymp mede hette, scholde Iso vaken he dat dede betern myt viff schillingen sunder gnade. Wol-
 den ok de jenne vth duffer broderfchop alle jar dry effte to virmalhen vnd nicht mehr eyne
 dages effte auendes, wen sie des eyndrechtiglicken tho rade worden, myt oren huffrouwen vnd
 dochtern tofampne komen frolich vnder sick to fynde, mogen sie woll don vnd wes de meisten
 bosluthen, dat denn de mynsten volgen. Worden sie ok myt oren huffrouwen vnd dochteren, wen
 hir wertschop in der Stat syn, vp dat kumpanyen hufs ghan, bauen vthtomaken vnd sie etwelke,
 de duffe kumpanye nicht enbedden, myt sick dar henup brochtenn, sodans mogen sie ane vahre
 woll dohn vnd de fuluen moghen denn ore bir suluest ok wol botalen, sie schollen ouerst nicht
 lenger sitten, wen alle alrede hir vor vth gedruket. Tho fullen edder haluen, noch tho geliken
 deyle to drinckende schall vp der kumpanyen hufs gantz vorbaden syn, by pene dry schillinge,
 so vaken dat geschuth, der Stadt vnd der kumpanyen gelick to hebbende: ok schall me dat ney-
 nerleye wyffz boleyden edder vorfetlicken bybringen, heymelicken edder opinbar: wo dat gefchege
 vnd myt menschlicker boteyking vmme spraken mochte werden, we dar wedder dede, de schall
 so vaken dry schillinge vorfallen syn, der Stat vnd der kumpanye like to deylen. Men schall ok
 up deme kumpanyenhufe sedich, houisch vnd tuchtich syn, nymande schollen sie bospotten myt
 worden edder myt werken, geschreige, krischent, ropent, hulderent, dat vnordentlick vnd vnfuglich
 erkant worde, ok sunderlicke senge, de dar nicht tofingende geborn, vnd alle andere vnsturlicke
 dingh, dat schall alles vorbaden sin: we sick dar ane vnd an eym jewelicks befundern vorfeghe,
 de schall jowelk betern myt theyn schillinge, vnser Stat vnd der kumpanye ghelike thodeylenn.
 We ok vordechtlicken perfonen edder lose beruchte vrouwe dar inn brochte, heymelick edder
 opeinbar, de scholde so vaken eyne mark gebraken hebben, dem Rade vnd kumpanyen gelicke
 thodeylen. Sye schallen ok vor der kumpanyen vp der siraen edder vor der doren nicht sitten
 thodrincken by twen schillingen. Ok schall men des fondages neyn bir tappen, ehr de lauesanck
 Marien, dat Salue regina, vthgefungen is, noch vp grote feste edder vp andere hillige dage edder virel-
 dage, ehre de vesper za vnser leuen frouwen kerken vth is. Item nymant schall vp den dryngkftauen

bouen edder dar bonedden dobbelen myt karthen, worpelenn edder anderswho vmme gelt spolen by pene eyner Stendelschen marc, deme Rade vnd broderschop gelike tho deylen, dar tho by straff des Rades, vthgnomen, so ymandt vmme eynen werdt von Sofs penninge edder vmme eyn gerichte, so men dar bouen ethen wolde, wolde spelen, schall nicht verboden syn. Item we den andern in deme kumpanyen huse myfshandelt myt worden edder wercken, de schall dat der Stat vnd broderschop verbothen myth theyn schillingen, vndd we hir vmme vor den Schaffern in eyner gemeynen hegeden spraken bodedinget wert, de schall antwerden dorfuluest vor de Scheffere. Bokennet he des edder wert des vorwunnen, so schall he den broke geuenn: missaket he ouer, so schall vndd mach he sick des mit fynes eynes hant entleddigenn vndd vnschuldich maken by de hochgelaueden Marien gades moder, houetfrouwen duffer broderschap vndd gelicke woll dar tho fynem wedderparthe dohn, wes he ohme von rechte plichtich sy. We ouer den andern in duffer broderschop gehorende kampwerdige wunden wrachtete edder den andern in deme tho edder affghande vorwegelagede, de scholde desser broderschop eyn jarlangk vorfallen syn, scholde dennoch dar tho eyne marc penninge geuen, der Stat vndd broderschop like tho deylen, vndd noch dar tho fynem jegenparthe dohn, wes he ohme von rechte plichtich were. Item twe rechte gehegede spraken schollen sie des jares hebben, de eyne vmme Conuersionis pauli vthe, twe edder dry dage vor edder nha, de andere vmme Jacobi vthe, ok also vor edder na: vndd wan sie de hebben willen, so schollen de Schaffere des ffridages touorn vor vns, deme Rade, vp vnsem Rathuse komen, Biddende twe vth deme Rade dar inn toschickende, dem wy ok so dohn willen vndd we tho den gehegeden spraken nicht enqweme, wen de ohme vorkundiget, de schall brekenn Sofs penninge, de schall ore broderschop alleyne beholden, ed beneme en den echte noth edder dat he vor der vorkundige nicht to hufs were gewest, so ferne he nicht vohrfetlicken vndd vmme deswillenn, dat he tor sprake nicht komen wolde, vthgereyset were. We ouer freuelich to twen rechten morgen spraken nach eyn ander folgende, de ohme gekundigt weren, nicht enqweme, de schall duffer broderschop vorfallen syn, dar wedder intokomen, efft he wyll, gelick eynem andern, de vor duffe kumpanye nye gehat hefft, doch also, dat he vor allen dingen sine broke, efft he der welk vorfallen vndd lust schuldich were, vor betale vndd richtich make. Eder so ymant vmme freuenliges vthbliuendes der twier echten spraken vorlecht worde vndd der kumpanie nicht wedder bogerede to hebben, so schal he gelike woll sine broke, vfft he der welk vorfallen were, by der pandinge, de de scheffere myt des Rades gelynde daromme don mogen, geuen. Vndd vfft we enniger broke in duffer broderschop an den puncten duffes briffs brogkhaftich worde, der schollen die Schaffere myt flythe getruwelick vpfehnt by hebben vndd dat tho iglicher sprake in Jegenwardicheit der geschickten des Rades vormelden vndd so vaken eyn iglicher gebrokenn hedde. Vndd we denn so brogkhefflich gedeylet wert, de schall forth von stundt myt reden gelde botalen, Edder die Schaffer, sso yd nicht enschege, schollen daromme ane sumen myt hulpe vnser des Rades gelynde panden, de pende vorfetten edder vorkopen vndd sodane broke darmede bekommen. Worde ok ymant brockhaftich erkant, de nicht geuen wolde, ok nichts hedde, dat men one auepanden mochte, als sone, de in vederlicke gewalt noch weren, de scholden der kumpanye von stundt vorfallen syn vndd men schall deme edder den in dren jaren de kumpanye nicht wedder geuen. Wolde he sie ouer na vorlope der dryer jare wedder wynnen, so schall he vor sinen wedder angangh geuen gelick als eyn ander, der sie vor nye gehat hefft, vfft he deme Rade vndd der kumpanyen, wo vorberorth, boqweme were: vndd

dartho scholde he noch gelden vnnnd richtich maken, wes he gebraken hedde. Vnnnd de kumpnyen brodere schollen alle jar eynen olderman vnnnd twe Schaffere hebbenn, also dat eyner von den dreen yo twe jare olderman bliuen scholle vnnnd de kohre schal geschen in der letzten gemeynen hegeden morgenprake vnnnd de Scheffer, de denn gekorn werden, schollen des irften ffridages dar na, wan sie gekorn synt, myt deme Oldermanne kommen vp der louen vor de Rathmann vnnnd sweren deme Rade gehorsam towesende vnnnd truwelicken by toleggende vnnnd toholdende nach lude dusses vnser briffs. De knecht schall denn ok forth sweren, dat jenne, als ohme de Scheffere bouelen, thu holdende vnnnd dat he bouen der tyd, als dusse briff sprickt, des auendes neyn byr mehr tappenn vnnnd dat he de broke by eyde melden wille. Vnnnd de Schaffere, de des jares touorn gewesenn, schollen vor de nyge gekornn Scheffere vpghan vnde deme Rade vorantwerden, was en von broken vnnnd gerechticheyden orer jares togekamen synt. Item de tho Scheffern gekorn werdenn, schollen nicht macht hebben, sikk des korhes to weigernde, fundern sie schollen dat jar ouer Scheffer bliuen, ed were dann, dat sie in der gehegeden sprake de kumpnye vohr vpfedenn vnnnd dangkeden aff. Item de Burgermeistere vnnnd Rathmann synt edder Burgermeistere edder Rathman plegen tho wesenn vnnnd sult andere lude, die Softich jar olt synt, de schall men nicht kesen. Vnnnd alle de jenne, de dusse broderschop hefft, he wone bynnen edder buten duffer Stadt, de schall alle ferndell jars twe penninge tho ferndell gelde geuen. Vnnnd weret, dat die gnanten vnser burgere de kopmann in duffer broderschop gehorende wes erdencken worden, dat en beducht vnser Stat vnnnd orer Broderschop nutte vnd boqweme syn, dat schollen sie durch ore Olderlude vnnnd Scheffer bringen an de Rathmann vnnnd sikk dat in mathen duffer vorgeschreuen Artickell toholdenn, so ferne folks deme Rade der tyd bosellich were, lathenn bostedigen vnnnd schollenn vnder sikk neynerleye vpfettenn edder vorwilkornn, noch sikk yennigerleye wyfs etwes toholden vordragenn, ed sy denn, dat yd vom Rade bowilliget vnnnd bestediget werde, vnnnd schollenn sikk holden nach lude dusses jegenwardigen briffs. Worden wy ok vnnnd vnser nakomelinghe Rathmann to Stendell hir in duffem briue wes tho korthen edder thouorlengende effte to vorwandelende, dat vns nach geloyffbe der saken vnnnd tyd redlich vnnnd behoff beduchte synde, tho rade, des willenn wy vnnnd vnser nakomelinge alle wege mechtich syn: vnnnd wy hebben des tho warer orkundt vnnnd merher tuchnisse vnser Stat Secrett hangen lathenn an dussen briff, de Gegeuen ist na Christi vnser hern geborth dusenth viffhundert, darna im negentheynden Jare, Am dinxstage Cathedra Petri, Dho Rathmann weren werner bucholt, Lambrecht pakebusch, Claus moller, werner moringk, schonebeke, hans kroger, Engell kolck, Jacob schonreMarke, hans gottich, Jasper melliges, henningk klynte vnnnd hincrick sasse.

Nach dem Originalte im Seehausenschen Stadtarchive.